



II Haanimaa suidusanna näätäl pöimukuu 2.- 5.

Pöimukuu 2. päiv – nelläpäiv, suidusannapäiv

Kell 10 tuldak kokko Haani rahvamajja, saijas tutvas. Edesi mindas talodõhõ sannu mano, tetäs talgutüüd, opitas suidusanna kütma, tetäs ütenkuun perrerahvaga lõuna- ja õdagusõogi, käüdäs sannan. Sannapääväs tulõ hinnäst varramba kirja panda, sõs saa ka täpsämbat teedüst. Kotussid olõ-i pallo. Massa tulõ 5 eurut.

Kell 11 nakkas tohtõrdamise opitarõ „Sannan tulõ tervüs“. Kõnõldas arstmisevihtost ja tasomisõst. Tiidmisi ja kunste and edesi uma ala as´atundja, Eesti Pärimusmeditsiini Ühingu iistkõnõlõja ja Lahemaa Tervisekooli juhataja **Alar Krautmann**.

Oppusõ jaos tulõ üten võtta sanna-as´a ja külütämisõs pasva matt vai tekk. Opitarrõ päse-ei pallo rahvast, tahtja andku hindäst aigsahõ teedä. Massa tulõ 10 eurut. Täpsämbat teedüst saava kirjapandnu osalisõ.

Pöimukuu 3. päiv – riidi, opmisõ ja teedäsaamisõ päiv

Kell 10 alostas Mooska talo suidusannan liha suidutamisõ oppus. Ummi tiidmisi ja tarkuisi liha suidutamisõst kõnõlõs ja näütäs pernaanõ **Eda Veeroja**, kiä om seo tüü pääl meistri. Opitarrõ tulõ hinnäst aigsahõ kirja panda ja massa 10 eurut osavõtmisõ massu. Täpsämbat teedüst saava kirjapandnu opihuvilidsõ.

Kell 13 kõnõldas Mooska talo suidusanna ehitüse man sannu ülesragomisõst. Oppust ja nõwo and Rahvusliku Ehituse Seltsi liige, Viljandi Kultuuriakadeemia rahvusliku ehitüse osakunna praktikajuhataja ja raamadu "Igamehe suitsusauna aabits" kokkopandja **Andres Ansper**. Edesi käüdäs 3-4 tunni joosul ütenkuun kaeman Haani kandi talode esisugumaidsi sannu. Seletäse ja lugusid kõnõlõsõ sannu peremehe, ehitüse as´atundja Ansperi Andres tulõ kah sannu mano üten.

Kell 20 om tsimman Haani rahvamajan ja sääl ümbre. Tandsitas ütenkuun vanaesäde aigsid tandsõ, lauldas vanaimäde lauldu laulõ ja tundas hääst elost rõõmu.

Pöimukuu 4. päiv – puulpäiv, suidusannapäiv

Kell 10 saava sannalise ja sannaperre kokko Haani rahvamajan. Pääle tutvassaamist mindas lakja talodõhõ sannu mano. Ütenkuun pererahvaga opitas suidusanna kütmist, tetäs talossid, kõnõldas jutussid, süvvas esitettüid ruugõ ja muiduki käüdäs suidusannan. Sannapääväs tulõ hinnäst ette kirja panda ja kaupa kinnitä 5 euro osamassu masmisõga.

Pöimukuu 5. päiv – pühapäiv, suvõtarõ päiv

Kell 9 võedas Mooska talo sannan suiduliha suidust maaha.

Kell 11 – 15 om Suvõtarõ üten Haani rahvaga. Suurõl Munamäel om käsitüüpäiv, kon om tegemist nii latsilõ ku täüsinemiisile. Suurõ Munamäe tornin saa kaija vana Võromaa suidusannu pilte näütüst.

Oppuisi ja sannapäivi huvilidsõ saava henge kirja panda eda.veeroja@gmail.com
Täpsämb teedüs kõiki ettevõtmiisi kotsilõ ivirausi@gmail.com või 51 12 280